

Swati - Bathandaza Tihlabelelo - WP Psalms

Tihlabelelo 68:1 Nkulunkulu nakasukuma, titsa takhe tiyasakateka, labamtondzako babaleke embikwakhe.

Tihlabelelo 5:9,10 Kute liciniso emlonyeni wato, etinhlitiyweni tato kunekebulala, umphimbo wato ulithuna lelivulekile, lulwimi lwato lunebucili. 10 Tilahle ngelicala lato, Nkulunkulu, tente tibanjwe nguleto tingibe tato, tidzingise ngenca yetono tato letinyenti, ngobe phela setikuhlubukile.

Tihlabelelo 11:6 Lababi uyawubehlisela imvula yemalahle lavutsako nesbabule, abajezise ngemoya lohhusha kabuhlungu.

Tihlabelelo 18:14 Wajijimeta ngemicibisholo yakhe, kwasakateka titsa, watigalela ngemibane, watidzidzitelisa, tasiphuka.

Tihlabelelo 18:17 Wangephula esitseni sami lesinemandla, wangephula nakulabangitondzako, ngobe babenemandla kakhulu kunami.

Tihlabelelo 18:39 Wangihlomisa ngemandla ekulwa imphi. Titsa tami watitfobisa ngaphansi kwami.

Tihlabelelo 18:45 Bonkhe baphelelwa ngemandla, beta bachachatela baphuma emigedzeni yabo.

Tihlabelelo 27:11 Ngifundzise indlela yakho, Simakadze, ungihole endleleni lecondzile ngenca yetitsa tami.

Tihlabelelo 35:1-8 Cabana nalabo labacabana nami, ulwe nalabo labalwa nami, Simakadze. 2 Tsatsa lihawu lelincane nalelikhulu, uphutfume utengisita! 3 Hoshula sikhali sakho, uvimbe labo labangicoshako; khuluma emphefumulweni wami, utsi: "Mine ngiyinsindziso yakho!" 4 Shangatsi bangajabha, bahlazeke, labo labafuna umphefumulo wami; shangatsi bangahlakateka labo labacondze kungicitsa. 5 Ababe njengemakhoba wona apheshulwa ngumoya, ingilosi yaSimakadze isabadvungulula. 6 Indlela yabo ayihlwe, ishelele, ingilosi yaSimakadze isabacosha. 7 Njengobe bangibekele lugibe ngaphandle kwesono, bangimbela umgodzi lolugibe ngingenacala, 8 shangatsi bangehlelwa yimbhubhiso ngekutumeka lokukhulu, nelugibe

labanetsiye ngalo lubambe bona. Umgodzi lolugibe labanetsiye ngawo uhholokoshisele bona, babhubhe.

Tihlabelelo 52:5 Ngako-ke Nkulunkulu uyawukubhidlita siphelane, uyawukuhudvula akukhiphe ekhaya lakho, akuzuphune eveni lalabaphilako. Cabanga.

Tihlabelelo 60:12 Sitawutincoma ngaNkulunkulu. Guye lotawugcobagcoba titsa tetfu.

Tihlabelelo 66:3 Khulumani kuNkulunkulu nitsi: "Maye, imisebenti yakho mikhulu iyesabeka. Titsa takho titawuta kuwe tikhasa ngemadvolo, ngenca yemandla akho lamakhulu.

Tihlabelelo 68:35 Uyesabeka, Nkulunkulu, endzaweni yakho lengcwele. Nkulunkulu wema-Israyeli, nguwe ionika bantfu emandla nekucina. Akadvunyiswe Nkulunkulu!

Tihlabelelo 70:1 Hhawu, Nkulunkulu! Phutfuma ungikhulule! Hhawu, Simakadze! Phutfuma ungisite!

Tihlabelelo 71:13 Shangatsi labo labafuna kuphila kwami bangadliwa ngemahloni babhubhe; shangatsi bangasibekelwa bubi nelihlazo labo labacondze kungilimata.

Tihlabelelo 76:12 Guye lotfobisa tikhulu, uyesabeka emakhosini emhlaba.

Tihlabelelo 118:10 Tonkhe tive tangivimbetela ndzawo tonkhe, kodvwa ngelibito laSimakadze ngatishaya ngatibhuca.

Tihlabelelo 118:12 Tangibunganyela njengelibulo letinyosi, tasha njengemlilo wemanyeva; kodvwa ngelibito laSimakadze ngatishaya ngatibhuca.

Tihlabelelo 149:8,9 babophe nemakhosi abo ngemaketane, netikhulu tabo batibophe ngabozankosi, 9 batewufeza sijeziso sabo njengobe kubhaliwe. Loku kuluvumo Iwalabangcwele bakhe bonkhe. Haleluya, dvumisani Simakadze!